



# Synfocity = 726

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

March 28, 2019

## □ **Tripura Synod**

March 24, 2019 (Pathianni) chawhma khan Noagang-ah Tripura Provisional Synod chu Synod puitlingah PCI Moderator Rev. Lalramliana Pachuau-in a hlangkai. Synod thar hawn hmanpui hian Mizoram Synod aṅangin mi 22 kalin Mizoram Synod choir leh Kanhmun Bial aṅangin an kal bawk.

Tripura-ah hian kum 1976 aṅang khan Thlarau Bo Zawngtute(TBZ) ten rawngbawlina an nei a. Kum 1986-ah Synod Mission Board chuan Field atana pawmin thawktu dah ṅan a ni a, field ṅang chak berte zing a mi a lo ni ta a ni. Kum 2012 Mizoram Synod Inkhawmpuiin PCI General Assembly-ah Tripura chu Synod hranga awm turin a thlen a, kum 2014-ah PCI General Assembly chuan zirchiang tur(Study Team) dinin hmalak a ni a, kum 2016 PCI General Assembly chuan Provisional Synod-a hlan kai a rem ti a, kum 2017 khan Provisional Synod-ah puan an ni ta a ni.

Tripura Synod Puipate chu hetiang hi an ni:

Moderator	:	Rev. Uttam Hrangkhawl
Moderator (Elect)	:	Rev. Kiran Debbarma
Secretaries	:	Rev. Jehu Laldintluanga (Sr.) Elder Jahrmanik (Jr.)
Finance Officers	:	Rev. Chawngmunrai Rev. G.B Kaipeng
Statistician	:	Rev. Ricky Lalchhanchhuaha
Executive Secretary	:	Rev. Chawngmunrai

## □ **Synod Bookroom Mobile Bookshop 2019**

March 18 - 23, 2019 chhung khan Synod Bookroom chuan kumtina a lo tih ṅhin angin, Synod Bookroom mahni khuaa duh anga dawr ve pha lo te tan Mobile Bookshop-a buatsaih a, he Mobile Bookshop hian tlangdung 4 - Tuichangral, Tuipuiral, Sialkal leh Hachhek tlangdung tuamin khaw 37 an tlawh a ni.

Mobile Bookshop aṅanga sum hmuh dan hetiang hi a ni:

Tuichangral Tlangdung	Rs. 3,07,030/-
Tuipuiral Tlangdung	Rs. 3,00,108/-
Sialkal Tlangdung	Rs. 2,71,200/-
Hachhek Tlangdung	Rs. 2,10,565/-
<b>TOTAL</b>	<b>Rs. 10,88,903/-</b>

## □ **Synfo Studio thar**

March 26, 2019 (Thawhlehi) chawhma dar 10 khan Synod Information & Publicity Department (Synfo) Studio thar, Synod Office Annexe Building a mi chu Synod Moderator Rev. R. Lalhmingthanga'n Pathian hnenah a hlan.

Synod Moderator chuan, Synod rawngbawlina pawimawh tak pakhat kan nei thar hi lawmawm a tih thu a sawi a, he studio hi ṅangkai taka Pathian ropui nan hman a nih theih nan Pathian hnenah a hlan a ni. Synfo Studio thar hi Kohhran mipuiten ṅangkai taka an hman theih tura ruahman a ni a, Audio leh Video recording tihna tur a hranin siam a ni. Audio Studio lamah hian mimal zai leh Kohhran Zaipawl te hman theih a ni, Music track an siam thei nghal bawk. Video Studio lamah hian Interview, Talk Show leh thil dang tih theihna tur a ni. Studio hmang duh chuan Synfo Coordinator hnenah dilna thehluh tur a ni.

## □ **MSSU**

♦ March 30, 2019(Inrinni) hian Chaltlang South Kohhranah Sunday School Zirtirtu training neih a ni dawn a, Upa Lalṅahluna Ralte, MSSU Asst. Coordinator leh trainer-te - Upa Lalhmachhuana leh Upa R. Lalhmingthanga te an kal ang a, zan inkhawmah Upa Lalhmachhuana, trainer-in Fanau enkawl chungchang thuchah a sawi ang.

♦ March 30, 2019(Inrinni) hian Govt. Complex Kohhranah Sunday School Zirtirtu training neih a ni dawn a, Pi Lalpianthangi Hrahsel, MSSU Coordinator leh trainer-te - Upa Hrilthansanga leh Upa K. Zoremsanga te an kal ang a, zan inkhawmah Upa Hrilthansanga, trainer-in Fanau enkawl chungchang thuchah a sawi ang.

♦ March 30, 2019(Inrinni) hian Hlimen Kohhranah Sunday School Zirtirtu training neih a ni dawn a, MSSU Trainer-te - Rev. C. Lalrosiama, Upa F. Lalenghluna leh Upa B. Lalhmunliana te an kal ang a, zan inkhawmah Upa F. Lalenghluna, trainer-in Fanau enkawl chungchang thuchah a sawi ang.

Contd...

☐ **Synod Mission Board**

Kumin 2019 February thla thlenga Mission Field hrang hranga ringthar neih dan hetiang hi a ni:

S.No	Field	Total	S.No	Field	Total
1	Arunachal East	27	10	Home Mission South	0
2	Arunachal North	52	11	Kolkata	209
3	Arunachal West	14	12	Lucknow	39
4	Assam	26	13	Nepal	27
5	Barak	32	14	Odisha	28
6	Delhi	11	15	Patna	15
7	Jharkhand	58	16	Siliguri	33
8	Karbi Anglong	16	17	Tripura	268
9	Home Mission North	12	18	Masihi Sangati	313
<b>TOTAL</b>					<b>1,180</b>

Synod Mission Board hnuaiah hian Field 17 a awm mek a. Mission Field hi region thum - Central region, North East region leh Home Mission-ah te then an ni a, heng bakah hian Field puitling lo, hma lakna lian tham zingah Masihi Sangati leh Cambodia te an awm a ni.

☐ **Synod Revival**

April 2 - 6, 2019 chhung hian Synod Revival Camping Center, Neibawihah a duh apiang tan Camping buatsaih a ni dawn a. Speaker tur chu Lalsanglura Ralte, Sons of God Team a ni ang. Camping Fee mi pakhat tan Rs. 100/- a ni a, Mutbu bakah Bible, Hla bu, Pen, Note Bu ken tur a ni. Camp neihna hmun Neibawih-ah chhun dar 11 atanga tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. He camp-ah hian mawhphur turin Dawrpui Pastor Bial ruat an ni.

☐ **Synod Relief Fund**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Hunthar Veng	Damlo	4	Rs. 32,000/-
2.	Zuangtui Vengthar	Damlo	1	Rs. 8,000/-
3.	Chhingchhip Venghlun	Damlo	1	Rs. 8,000/-
4.	Tuipuibari	Damlo	1	Rs. 8,000/-
<b>TOTAL</b>				<b>Rs.56,000/-</b>

☐ **Synod Campus Ministry**

March 26, 2019 (Thawhlehi) khan Apollo School of Nursing-ah hun an hmang a. Director Rev. Lalchungnunga 'n hun hmangin 'Ruat lawk (Pre-destination) leh mihring mawhphurhna chungchang' a sawi.

☐ **Hruaina Eng FM Radio**

◆ **MARCH 29, 2019 (FM Zoawi Aizawl @ 7:30 p.m.):**

**Solo** : C.Lalrindiki - Isu ka hmangaih che  
**Zaipawl** : Mizoram Synod Choir - Aw thlarau thianghlim ka ngai che  
**Thusawi** : Rev K.Lalmuchhuaka - Inthawina aiin thuawih a tha zawk  
**Solo** : Elijah Lalrinawma - I ta ka ni  
**Zaipawl** : Mizoram Synod Choir-Fak ru

◆ **MARCH 29, 2019 (FM Zoawi Lunglei @ 7:30 p.m.):**

**Solo** : Esther Lalthianghlimi - Inhlanna  
**Zaipawl** : Lunglei Venglai Presbytery Bial Zaipawl - Ka lawm thin  
**Thusawi** : Rev. K.Lalmuchhuaka - Inthawina aiin thuawih a tha zawk  
**Solo** : B.Lalsangliana - Nitin Lalpa  
**Zaipawl** : Lunglei Venglai Presbyterian Bial Zaipawl - Lalpa thatzia

☐ **Hruaina Eng TV Programme**

**Susamachar Prasaran Programme**

◆ **MARCH 31, 2019 (Pathianni) 5:00 pm. :**

**Group/Choir/Solo** : John Sharma - Shakti Ho Prabhu  
**Group/Choir/Solo** : Chawnpui Kohhran - Saron Ka Gulab  
**Testimony** : Basudev Podder  
**Group/Choir/Solo** : Dawrpui Bial Masihi Sangati - Jaya  
**Group/Choir/Solo** : Melthum Masihi Sangati - Krista Zara Unau

♦ **MARCH 31, 2019 (Tv Programme) @ 4:00 - 6:00, 8:00 - 9:00 p.m) :**

Weekly Round Up, KTP Kumpulan Film 2019, Kohhran Hmeichhe Inkhawmpui Lian 2019

□ **Zin**

March 29 & 30, 2019 hian Darlawn Kohhran Golden Jubilee lawmna hmanpui turin Rev. Lianhmingthanga Sailo, Senior Executive Secretary a kal ang.

□ **Moderator Programme**

March 30, 2019	Inrinni	Zan	Rullam Kohhran	Lungpho Bial
March 31, 2019	Pathianni	Chawhma	Ngentiang Kohhran	Lungpho Bial
March 31, 2019	Pathianni	Chawhnu	Thinglian Kohhran	Lungpho Bial
March 31, 2019	Pathianni	Zan	Lungpho Kohhran	Lungpho Bial

**DAWR RUAK**

Synod Dawr Mission Veng Newstreet-ah luah tur a awm a, luah duh chuan 25th April, 2019 chhungin a hnuai hming ziaik hnenah hian dil theih a ni. Diltu chuan mahni awmna Kohhran lehkhah leh bungraw zawrh tur ziaikin thil tel tur a ni e.

Sd/-

Rev. Lianhmingthanga Sailo  
Senior Executive Secretary  
i/c Synod Trust

**HNA RUAK DIL THEIH**

Mizoram Presbyterian Kohhran hnuai hng Contract hnate hi a ruak a, kum 18-35 inkar, ni 16.4.2019- a kum 18 pum tawh, kum 35 la pumhlum lo tan dil theih a ni. Zuk leh hmuama fihlim tan dil theih a ni. Hna dilna Form hi Dt. 13.3.2019 atangin Synod Office-ah lakchhuah theih a ni a. Hna dilna Form-ah hriat tur pawimawh tihlan a ni.

**1. Synod Office, Lunglei-a thawk tur**

**1) Office Assistant (OA), Post - 1**

Thiamna: HSLC of any recognised Board

Hlawh : Synod Contract Rate

**2) Chowkidar, Post - 1**

Thiamna: Class VIII Certificate Holder

Hlawh : Synod Contract Rate

**2. Chowkidar, P.C Girls' School, Aizawl-a thawk tur Post - 1**

Thiamna: Class VIII Certificate holder

Hlawh : Synod Contract Rate

**3. Moral Instructor, Synod Higher Secondary School, Aizawl-a thawk tur Post - 1**

Thiamna: Theological Graduate from any recognised Institution

Hlawh : Synod Contract Rate

**Dil theih hun chhung : Dt. 8.4.2019 (Thawhtanni), 5:00pm thleng**

**Screening test / exam : Dt. 10.4.2019 (Nilaini), 10:30am**

**Interview : Dt. 16.4.2019 (Thawhlejni), 11:00am**

Sd/-

Rev. Lianhmingthanga Sailo  
Secretary  
Synod Service Board